

圓明園

一冊

總管內務府現行則例

內務府現行則例目錄

圓明園

員役定額

選補員役

考察官員

奏銷房地租

銀庫事宜

應用物件



修理橋梁

修船隻

佛樓道童

船隻水手

養蠶事宜

內務府現行則例

圓明園

員役定額

圓明園管理園庭事務大臣協理事務官員俱係

隨時建設無定額額設六品總領六員七品副

總領六員八品副總領六員清字筆帖式七員

漢字筆帖式六員 乾隆六年六月

奏准於筆帖式內委署副總領二員添設學習筆

帖式二員 八年閏四月

奏准添設六品主事一員七品副總領一員八品

副總領一員 十四年十二月

奏准銀庫器皿庫添設六品庫掌一員委署庫掌

一員其添設委署庫掌於本處筆帖式內委署

無庸出缺再添設庫守六名其庫務仍派協理

官員等值年兼管每至三年另行派員更換奉

旨所添六品庫掌著放七品庫掌餘依議欽此 十六

年閏五月

奏請

長春園添設六品總領一員七品副總領二員八

品副總領二員園戶四十名園隸四名匠役十

二名奉

旨著添六品總領一員七品副總領一員八品副總領

一員園隸二名園戶三十名匠役六名欽此 本年

六月

奏准於筆帖式額內授為署副總領五員仍食筆帖式俸 二十二年十二月內務府

奏准本處設委署主事一員給與六品虛銜頂帶仍在筆帖式額內食原俸令其協理檔案事務 二十三年十二月內務府

奏准查

圓明園從前協理官員並無定額於乾隆十五年雖經奏設協理官二員亦未議定額缺今照依

原奏作為定額再嗣後如

圓明園等處行走人員內遇有陞轉別司員缺或

因該員熟諳本處事務人地相宜應行奏留者

該管大臣於摺內聲明將本處人員對品調補

概不准仍前奏留濫行開缺、二十四年閏六

月

奏請

長春園新建水法工竣酌添園戶二十名花兒匠

十名奉

旨園戶准添十名花兒匠准添四名欽此 本月會典

館

奏准

園庭總領改為苑丞副總領改為苑副 二十九

年十二月呈准銀庫器皿庫現有考取入筒効

力庫守十名應照內務府候缺庫守之例給與

項戴令其在庫効力行走作為定額遇有庫守

缺出掣補 三十二年七月

奏准

熙春園苑副四員內係七品者三員八品者一員

今酌將七品苑副撤回二員仍留七品苑副一

員八品苑副一員再添六品苑丞一員署苑副

二員園戶三十名俱作為

熙春園額缺又

圓明園原設筆帖式十二員內節經奏准委署過

苑副七員副庫掌一員請將以筆帖式委署之
苑副等八員即作為額缺仍食原俸所遺筆帖
式之缺仍按原額照例挑補 三十四年十月
內務府呈准看守鰲山等庫兵丁交本園稽查
本年定准協理事務官二員主事一員六品
苑丞八員六品職銜委署主事一員七品庫掌
一員七品苑副八員八品苑副八員筆帖式委
署庫掌一員筆帖式委署苑副九員筆帖式十

一員庫守六名候缺庫守十名園隸四十名園
戶五百八十名各行匠役一百六名內園戶頭
目十八名食一兩五錢錢糧米一斛半隨差地
三十畝園隸食一兩錢糧米二斛園戶匠役食
一兩錢糧米一斛隨差地三十畝 三十九年

三月

奏請

綺春園內現在殿座既多地面亦屬遼濶理宜酌

派人員專司其事查從前撥往

綺春園八品苑副一員署苑副二員筆帖式二員
園戶二十名今酌留署苑副二員筆帖式一員
園戶十名其餘撤回仍在原差行走請添給六
品苑丞一員七品苑副一員八品苑副一員筆
帖式一員園戶三十名作為

綺春園額缺即令管理

熙春園事務員外郎一體董率奉

旨六品苑丞一員八品苑副一員不必添設准添設七
品苑副一員筆帖式一員園戶二十名欽此 四十
五年十一月呈准添設候補庫守八名係由

圓明園効力柏唐阿內揀補令其與苑丞苑副等
一體當差遇有庫守缺出仍與

圓明園候補庫守一同補用 四十六年十一月
奏請新建

蓮池書院並舊有中所曾奉

諭旨各座殿宇安擺陳設處所既多地面遼濶必需派員專司其事請照依

熙春園之例酌減署苑副一員筆帖式一員園戶十名添設六品苑丞一員七品苑副一員八品苑副一員署苑副一員筆帖式一員園戶二十名作為該園額缺即令管理

長春園事務員外郎一體董率再查

熙春園綺春園各有效力柏唐阿四名並無錢糧

應照依本處庫守之例給予二兩錢糧其新建蓮池書院亦請照此辦理再查

圓明園長春園俱有門隸專司稽查出入食糧匠役以備零星粘修應請三園各添門隸二名食糧裱匠二名瓦匠二名木匠一名搭綵匠一名以備承應該園差務奉

旨改添七品苑丞一員八品苑副一員筆帖式一員其六品苑丞一員署苑副一員不必添設餘依議欽此

大清五十二年十一月管理

園庭事務大臣具

奏查得

圓明園長春園熙春園綺春園春熙院等五處共額設食一兩五錢錢糧園戶頭目二十名食一兩錢糧園戶匠役六百四十七名今遵

旨酌擬除現食錢糧外園戶頭日照

奉宸苑清漪園等處園丁之例每名每月酌添銀

五錢作為二兩錢糧其現食一兩錢糧之園戶匠役等每名每月酌添銀五錢作為一兩五錢錢糧再查

圓明園長春園內五路宮門河道向雖設有園戶頭目二十名但園內殿宇較多地面寬敞督率園戶等分撥各處打掃地面坐更當差實不敷用今酌擬添園戶頭目二十名至

熙春園綺春園春熙院三園向無園戶頭目今每

園酌添園戶頭目四名共添園戶頭目三十二
名此項應添園戶頭目錢糧亦照園丁之例添
給即於各該園額設園戶內改添分撥各處當
差無庸額外添設統計園戶頭目園戶匠役等
六百六十七名每月共應添銀三百四十九兩
五錢此外各項招募匠役等均非旗人自未便
一律議添以昭區別具

奏奉

旨圓明園著添園戶頭目十名長春園著添園戶頭目
四名春熙院著添園戶頭目一名其熙春園綺春園
園戶不必添給錢糧亦不必添設頭目餘依議欽此

嘉慶四年四月

奏准

圓明園長春園內園戶較多擇其勤慎老實者撥
派二十七名內交綺春園二十一名交大宮門
新建朝房六名當差並查看火燭 六年五月

管理

園庭事務大臣奉

旨圓明園現食二兩錢糧太監四百三名內著賞給
二兩五錢錢糧五十分欽此 本年七月

圓明園總管太監具

奏

綺春園內新建西爽村舍淳堂展詩應律敷春堂
此四處宮殿廟宇處所既多陳設供獻甚重又

兼山場道路寬大各該處太監園戶尚可盡力
已結惟週圍河道以及大小水泡並添蓋船塢
排造棹船實無專司之人應請每處討添閘軍
六名每日安船看水提閘並河道撈割芡草坐
更等事再宮殿廟宇亭臺遊廊房間橋梁甚重
每處討添招募匠役四名奉

旨著管理圓明園事務大臣挑補匠役閘軍交進當

旨差欽此 七年遵

旨春熙院著賞給莊敬固倫公主居住其該院額設
七品苑丞一員八品苑副一員筆帖式一員庫
守四名園戶園隸匠役等二十八名俱分撥各
園當差 十六年六月

奏准暢春園具奏撥來食八品俸七品苑丞一員
八品苑副一員食二兩錢糧委署苑副二員園

戶園隸匠役二十名撥交本園分路當差查

圓明園額設官員內無虛銜之七品苑丞該員既

食八品俸請歸入本園八品苑副數內以昭畫
一再署苑副一缺本園向由筆帖式內揀選帶

領引

見陞補仍食筆帖式原俸今該園撥來之委署苑副
係由該堂官挑補每月食二兩錢糧與本處庫
守無異請於本園現任筆帖式內揀選二員帶

領引

見作為署苑副實缺其撥來之委署苑副二員即於

此次續出之庫守二缺扣補將原食之二兩錢糧裁汰 十月內務府

奏准將暢春園七品食八品俸苑丞一員八品苑副一員筆帖式一員園戶園隸匠役二十五名撥交

圓明園南園分路當差其所食俸餉額缺仍照本園

奏准定例作為額缺 十七年六月

奏准

圓明園外圍添修閘座撥派

奉宸苑閘軍三十名作為本園額缺其每月所食錢糧米石及應挑應裁俱由

圓明園辦理

圓明園現定額設員役

郎中一員員外郎一員主事一員委署主事一員六品苑丞八員六品庫掌一員七品庫掌一

員七品苑丞一員七員苑副八員八品苑副十
三員署苑副十一員筆帖式十四員庫守十八
名効力柏唐阿六名園戶頭目三十五名園戶
六百十五名園隸五十三名招募匠役一百四
十八名閘軍五十四名水手蠻子三名、

內務府現行則例

圓明園

選補員役

初管理

圓明園事務大臣係奉

特旨簡派協理園內事務官員或係本管理大臣等
奏派或係

特旨除派其六品總領七品八品副總領缺出俱係

本園管理大臣等揀選應陞人員帶領引
見補授其筆帖式缺出由內務府掣籤補授 乾隆

十四年十二月

奏准

圓明園銀庫器皿庫添設庫守六名於內務府考
取入筒候補庫守人員並官員子弟內家道殷
實通曉文義者兼取令其專守銀庫器皿庫行
走伊等行走三年其中如果有黽勉勤慎者即

以

圓明園所屬筆帖式之缺轉補 二十一年八月

准鴻臚寺咨本年七月吏部等部題准查鴻臚
寺奏請嗣後令各該旗各該衙門將在京文武
各員陞遷緣由於

命下五日內造具詳細名冊咨送臣寺繕寫啟疏以

備謝

恩按定例四品以上派員帶於

午門外五品以下於

天安門外謝

恩如有遲延遺漏不到者照例題叅等語應如所請
嗣後題陞調任及

京察一等

大計卓異俸滿陞用並降調革職奉

恩旨錄用之文員其由各該衙門自行開列移送在
京文武各員有奉

特旨及議敘加級紀錄者亦令各該衙門開列職名
移送該寺其知照後均聽該寺照例定期傳令
各該員謝

恩此內如有患病丁憂事故不能依限赴寺者由該
旗該衙門知照該寺查核准其補行謝

恩如無故逾限不到者鴻臚寺自行查叅 三十二
年呈准協理事務官員如遇京察卓異或俸滿
之時保送內務府照內務府卓異俸深之例一

體陞用員外郎如遇京察卓異或俸滿之時保
送內務府以郎中陞用 主事如京察卓異或
俸滿之時保送內務府以員外郎陞用 委署
主事如遇京察卓異或俸滿之時以本園實缺
六品陞用 六品苑丞缺出於七品庫掌七品
苑副內揀選七品庫掌七品苑副缺出於八品
苑副內揀選八品苑副缺出於食筆帖式俸之
委署庫掌委署苑副內揀選委署庫掌委署苑

副缺出於筆帖式內揀選由本處帶領引

見補授以上等員如京察卓異主事六品苑丞六品

庫掌內每京察保送內務府二員以員外郎副

叅領陞用 筆帖式缺出由庫守揀選補授

庫守缺出由本處効力行走之候缺庫守內挑

補 園隸園戶缺出由內務府三旗佐領管領

下出具保結送赴本園呈堂挑補招募匠役缺

出由本園該管官員揀選呈堂挑補 三十九

年四月

奏准嗣後本處主事應陞之處仍由內務府揀選陞
用員外郎所遺主事之缺即將本處委署主事
七品苑副內揀選補授委署主事缺出即將本
處八品苑副委署苑副筆帖式內揀選補放

嘉慶四年三月

奏准嗣後本處主事苑丞庫掌擇其當差勤慎卓
異俸深者仍照舊例保送內務府按品陞用外

其所遺六品員缺仍將本園委署主事七品庫
掌苑副陞用續出之缺論品推陞其委署主事
缺出即將本處八品苑副署苑副筆帖式內揀
選陞用至本園筆帖式亦請照舊例由本園庫
守內揀選補用至帶領引

見既係本園揀選人員自應本園帶領引

見其送內務府轉為帶領應請停止、嘉慶十年二
月呈准本園郎中缺出於內務府各處現任郎

中內揀選奏請調補至本園題缺員外郎一員
如係京察一等或現職俸已滿准其保送內務
府歸入應陞班內陞用員外郎缺出主事六品
苑丞六品庫掌陞用主事六品苑丞六品庫掌
缺出七品庫掌七品苑丞七品苑副委署主事
陞用七品庫掌七品苑丞七品苑副缺出八品
苑副陞用八品苑副缺出署苑副陞用署苑副
缺出筆帖式陞用委署主事缺出八品苑副署

苑副筆帖式陞用筆帖式缺出學習筆帖式庫
守補放庫守缺出候缺庫守補放
嘉慶十一

年正月軍機大臣

奏准

圓明園實缺庫守一項係於乾隆十四年額設六
名又於乾隆四十六年添設十二名俱有頂戴
食二兩錢糧節經奏明至庫守額缺前既兩次
奏明添設十八名已足數差委其候缺庫守一

項戴用虛項並未奏明應請概行裁撤請於現在裁撤之十八名及効力柏唐阿六名酌留六名作為定額不給項戴遇有庫守缺出即於此六名內挨次奏明充補嗣後遇有無項戴候缺庫守缺出應令由內務府三旗佐領管領下出具保結送交該管王大臣挑補再查

圓明園筆帖式向係咨補今庫守既改為奏補所有筆帖式一項亦應一體奏補其學習筆帖式

二名仍照舊例間用 十六年六月准

暢春園具奏撥來食八品俸七品苑丞一員八品

苑副一員食二兩錢糧委署苑副二員十月准

暢春園具奏撥來食八品俸苑丞一員八品苑副

一員筆帖式一員經管理

園庭事務大臣節次

奏准食八品俸七品苑丞作為本園八品苑副額
缺食二兩錢糧委署苑副與本園庫守無異請

於現任筆帖式內揀選二員帶領引

見作為署苑副實缺續出庫守二缺將撥來之委署

苑副扣補現在八品苑副十三員署苑副十一

員筆帖式十四員 二十年六月內務府

奏准

特用捐復人員於五缺後補用一人

此二項陞補之缺全計如

特用人員有即用字樣者遇缺即補

降調開復人員於六缺後

補用一人 此二項陞補之缺全計

員外郎缺出除主事

六品司庫及各處保送京察列為一等之六品

苑丞六品庫掌等員陞用外其餘概不准陞用

內務府現行則例

圓明園

考察官員

雍正四年四月內務府

奏准內務府官員筆帖式等均照康熙十八年之
例考察其

奉宸苑等處官員筆帖式等仍照例著該堂官甄
別考察 乾隆三年六月照部議將保列一等

官員帶領引

見准其加一級註冊 十一年二月內務府

奏准嗣後七品贊禮郎八品催總等員凡遇京察
年分均照內務府官員之例分別優劣編入京
察本內一體具題其不入京察之無品級庫掌
委署司庫催總委署催總庫使庫守掌果果房
各項人員亦於京察時交該處將伊等平日行
走勤惰當差優劣之處呈明驗看甄別除不稱

職役者即行斥革平等供職者視其行走年分
歸班陞補外如果有才堪辦事行走勤慎迥出
尋常者照京察一等註冊之例不拘年分即行
註冊與應陞人員一體錄用 本年十月內務

府

奏准

圓明園等處六品七品八品總領等照內務府七
品贊禮郎八品催總之例遇京察年分令各該

處將伊等分別優劣編定等次於該苑京察本
內一體具題 十八年三月內務府

奏准嗣後三院各衙門京察卓異員數亦仿照本
府辦理之例考察

圓明園與

清漪園等處六品以上官共十三員內准卓異二
員七品以下總領催總等官亦照本府筆帖式
之例凡八員內准卓異一員仍遵例由該衙門

自行奏請統歸本府帶領引

見凡遇京察本處協理事務官三員六品主事一員
六品總領七員與

清漪園等處一體會同考察合併卓異二員再本
處七品庫掌一員七品副總領八員八品副總
領八員內每次卓異不過二員筆帖式委署庫
掌一員委署副總領七員掌稿筆帖式二員筆
帖式二員內每次不過卓異一員俱由本處堂

官考察定以等次咨送

奉宸苑入本具題 二十四年二月內閣奉

上諭向來京察之例各部院堂官將所屬官員分別等次若陞調不滿半年者則仍由原衙門堂官出具考語移咨新任衙門辦理京察為澄敘大典理宜詳慎甄別以防濫竽該堂官等若因該員既經陞調別任移送考語或未免意存假借殊非程材課績之義嗣後京察人員在新任衙門年例未滿移咨前任堂官

出具考語列在二等三等者仍照舊例其列為一等者著於帶領引見時另分一班俱不得因有分班之旨轉增各部向來所定額數致滋濫觴欽此 三十

三年二月內閣奉

上諭向來部院各衙門京察屆期所有列入一等人員均由吏部帶領引見至二三等留任各官並無引見之例該堂官等以其循分供職無關黜陟之典且人數衆多其中即有年力衰庸不無稍為姑息人材既

難考核公務未免曠鰥大典何由克副後京察二
三等人員內凡年至六十五歲以上者並令吏部一
併帶領引見候朕鑒定庶曹司不致濫竽繼棧而該
管堂官甄別公私亦可立辦於澄敘官方益昭慎重
著為例欽此 嘉慶十三年十一月內閣奉

旨吏部議駁廣興奏內務府應行迴避司員與各部
院司員對品調補請旨飭令總管內務府大臣遇
有應行迴避之員即於七司三院三山各等處酌

核調補一摺內務府屬官向例不行迴避原非引
嫌杜弊之道廣興所奏不為無見然以內務府司
員與部院司員對調於一切保送陞轉等事亦多
格礙難行况雍正年間曾經遵

旨議准凡內務府屬官均用內務府人員則與部院司
員對調尤與定例不符茲吏部請將該侍郎所奏
無庸置議係屬照例辦理惟議令該大臣自行酌
核調撥尚未妥協此事著派軍機大臣會同外旗

之總管內務府大臣於內務府迴避各員即於三
院三山等處公同籤掣對調帶領引見以昭公允
嗣後內務府所屬司員內有陞至總管內務府大
臣者如遇有應行迴避親族亦著軍機大臣會同
外旗之總管內務府大臣照例辦理著為令欽此

內務府現行則例

圓明園

奏銷房地租

乾隆十六年六月呈准

圓明園一帶房地租每年收得租銀租錢統於
園內歲修應用至歲底彙入歲修銀兩摺內一併

題銷 四十八年正月呈准

圓明園每月收得房地租銀錢歸入銀庫月摺新

收項下具奏

內務府現行則例

圓明園

銀庫事宜

乾隆七年四月

奏准康熙年間

圓明園開設圓成當一座陸續領過

雍和宮圓明園架本銀二萬二千兩每兩皆照二分起
息較比民當利息稍重請自本年為始銀每兩

錢每千二分起息銀每十兩錢每十十分半起
息每年所得利息銀兩並用過銀兩數目統於
年終彙總具奏 十五年呈准

圓明園銀庫請照各庫之例添造十兩庫法一分
自一兩至五百兩計十一個五十兩庫法一分
自五分至二十五兩計二十一個行文

奉宸苑出具印領赴戶部支領應用 十六年正

月

奏准

賞給雲梯營資生銀五萬兩交

圓明園存庫酌量資生以備健銳營公費等項領
用嗣後將一年所得利息並用過銀兩至年終
彙總具奏 二十七年十一月

奏准

圓明園銀庫庫掌庫守等嗣後俱令在銀庫院內
輪班值宿每班派庫掌一員庫守一名帶領園

戶六名值宿專管仍令銀庫值年郎中等不時稽查至綠營員弁仍照舊每日令千把總一員帶領營兵十名協同值宿之庫掌等巡察看守並令該叅將守備不時加意巡查 二十八年十一月

欽派清查

圓明園

奏准酌定章程四條開後

一本庫每年出入實存銀兩數目年底並不具奏惟據管庫官員將收發數目呈堂存案嗣後每年歲底將本庫舊管新收開除實在各數逐款分晰繕寫黃冊具奏以備查考

一餘平銀兩一項本庫向來收得銀兩入庫時未經動用即扣除餘平改為市平入項歸總嗣後亦照各庫之例將所收銀兩總以庫平貯庫俟動用後得有餘平再行發用統俟年底如有餘

剩作為庫平奏明歸入正項

一本庫每年所進房地租銀約計五百餘兩此係
每年園庭內歲修動用之項如有不敷即動撥
正項至年底雖有奏銷但所用銀兩槩不分款
項是以無從查考嗣後歲修工程只儘房地租
銀項下動支如實有不敷准其奏明動支正項
銀兩統於年底將用過房地租銀及動撥正項
銀兩數目分晰奏銷

一本庫向無查庫定限嗣後照內務府各庫之例
每五年一次奏請派員清查 本月

欽派清查

圓明園庫務大臣等

奏准

圓明園器皿庫存貯裝修什物等項每至歲底令

該管官員等查明將一年舊管新收開除實在

數目造具藍冊呈堂鈐印存案 三十一年十

月內閣奉

旨銀庫月摺內地丁款下開寫絲毫忽微等細數極其
纖悉嗣後各省徵收錢糧及一切奏銷支放等事俱
著以釐為斷不必仍前開寫細數著該部詳悉定議
具奏欽此經戶部酌議銀數在五毫以上者作為一
釐歸并造冊不及五毫者悉行減除

奏准行文內務府凡有關於錢糧衙門一體遵照
辦理 三十三年十二月

奏准嗣後每遇五年清查銀庫之期將器皿庫裝
修什物等項隨同銀庫一併查核 嘉慶五年

十一月

奏准動撥

圓明園庫銀十萬兩交兩淮鹽政生息以為公費
等項之用經該鹽政請於商捐項下

賞借發商即自本年二月起按一分生息年底解交
一年利銀一萬二千兩連餘平銀四百八十兩

共銀一萬二千四百八十兩除發一年公費飯食等銀以及豫備

同樂園山高水長慶豐園粘修鰲山等燈並搭造燈棚各款外餘存銀兩統於年終奏明歸入次年存貯備用 十三年閏五月奉

旨嗣後圓明園銀庫月摺每月著於二十七日具奏
欽此

內務府現行則例

圓明園

應用物件

圓明園內年例辦理孟蘭道場所用河燈每一分五千盞需用黃蠟一百二十斤向戶部領取
乾隆八年閏四月

圓明園總管太監傳

旨貴織山堂福園龍王廟萬方安和山神廟土地廟五

孔開龍王廟北門內土地廟花瓶內無花著買紙金花供上每於年節換新欵此 十六年六月呈准檔

房年例需用本紙五十張榜紙四百張台連紙八百張西紙一百張水筆六十枝墨一斤印色四兩銀硃四兩俱移付廣儲司領取每年十一月初一日起至次年正月三十日止每日烤硯用黑炭三斤木柴十五斤

圓明園內二處總領副總領帶領園戶坐更值宿

每年自十一月初一日起至次年正月三十日止每日熏炕各用炭五斤木柴十斤俱由營造司

圓明園柴炭庫行取

大宮門年例應用大竹掃帚一百八十把關東苗筥帚九十把高一尺徑二尺三寸擡筐三十六

個連繩牛心柳罐十四個隨繩土簸箕二十七個

柳盆子十八個大筮籬十一把雞毛大鬘子四

把小髡子九把竹爬子十八張蠻子木掀十二張

西廠子年例應用大竹掃帚二百三十五把關東
苗筲帚一百八十把擡筐三十六個繩隨大柳罐

四個牛心柳罐三十六個俱隨土簸箕四十五

個竹爬子四十五張蠻子木掀十八張柳窩子

十八個柳木槓八根

長春園大宮門年例應用大竹掃帚一百二十把

關東苗筲帚六十把高一尺徑一尺三寸擡筐

二十四個繩隨牛心柳罐十二個土簸箕十二個

柳窩子十二個大髡子二把小髡子六把竹爬

子十二張蠻子木掀十二張 以上物件俱移

付各該處行取 二十二年正月內務府

奏准酌定核減

圓明園各處需用煤炭木柴數目開後

佛樓安爐五個每日用紅羅炭一斤四兩

法官二名道士五名幼僧十三名做飯每日用

黑炭九斤煤二十斤木柴四十斤

祭星每日用黑炭七十八斤

安佑宮溫供茶每日用黑炭五斤煤十斤坐更一處每

年自十一月初一日起至次年正月三十日止

每日用黑炭五斤木柴十斤

清淨地溫供茶每日用黑炭八兩坐更冬三個月

每日用黑炭五斤木柴十斤

廣育宮溫供茶每日用黑炭三斤煤八斤

舍衛城溫供茶每日用黑炭三斤煤八斤

每年自十一月初一日起至次年正月三十日

凡遇

皇上進宮之日坐更每日用黑炭五斤木柴十斤

闕帝廟寶相寺法慧寺三處溫供茶每日各用黑

炭二斤煤五斤總管三處做飯每處每日用黑

炭三斤煤八斤簾子庫太監三名做飯每名每

日用水柴二斤八兩種稻田蠻子做飯每名每
日用黑炭一斤煤五斤花洞熏花炕十九鋪每
年自十月十一日起至次年二月三十日止每
鋪每日用黑炭一斤八兩煤十斤煖花房火盆
十二個每年自十一月初一日起至次年二月
三十日止每個每日用黑炭三斤雀鳥房煮食
每日用水柴十斤煖雀鳥炕九鋪每年自十月
初一日起至次年二月三十日止每鋪每日用

黑炭一斤八兩煤十斤

明春門坐更冬三個月每日用黑炭五斤木柴十
斤辦事檔房烤硯燒炕冬三個月每日用黑炭
三斤木柴十斤

圓明園並

長春園內各處及保合太和陳設爐共二百八十
個內每日用炭六兩爐八個用炭四兩爐七十
五個用炭三兩爐八個用炭二兩爐一百八十

八個用炭一兩爐一個凡遇

皇上駕幸之日每日用紅羅炭四十六斤十三兩
軍機處凡遇

皇上駕幸之日每日用黑炭十斤煤十五斤

西廠侍衛飯房溫茶水凡遇

皇上駕幸之日每日用黑炭十斤再凡

園內有用煤炭木柴之處或無一定日期及無一
定斤數者俱係隨時傳取應用其

園內各處陳設爐所需紅羅炭如有添減之處俱
據總管太監來文及該苑丞等呈准申報到日
隨時知照營造司按數添減無定額 二十四

年十月

圓明園總管太監傳

旨清淨地佛樓舍衛城三處共珊瑚樹七對上掛五色
哈達七十個向包衣昂邦要以後三年一換欽此

二十五年六月呈准向例西廠侍衛飯房溫茶

水每日用黑炭十斤嗣後不必為常例俟應用
時臨期行文支領 本年十月呈准

園內添更一處每年十一月初一日起至次年正
月三十日止此三個月內凡遇

皇上進宮之日坐更每日用黑炭五斤木柴十斤

三十三年內務府

奏准

山高水長同樂園安設

萬壽燈野意鰲山網城等燈一併交本園辦理其

粘補修飾所需物料向廣儲司行取 三十五

年二月

奏准新建花神廟二月十二日花朝開光獻供佛

樓幼僧辦吉祥道場一永日每月每日香燭供
獻

萬壽聖節並花朝年節安擺供獻 三十五年呈准

圓明園內等處各座宮殿一年應用關東苗筍筵一

萬三百七十一把象耳簸箕三百五十一個土
簸箕一千一百八十六個白條大簸箕六個白
條大簸籬十六個小簸籬十一個大柳簸籬一
個糖鑼式柳簸籬二百十三個牛心柳罐三百
十五個繩隨雞心柳罐二百四十七個繩隨大柳罐
八個繩隨白條柳筐斗二個柳昏子八百十個大
箕籬一百七十一把馬尾羅七十九個蠻子木
椀五百四十五張檯筐五百三十二個繩隨各長

一丈徑一寸二分桶扣繩五十條活毛荻桿小
髧子一千五百二十八個平常雞毛小髧子八
百三十九把高五尺細桿髧子一百六十七把
大高髧子二百十三把高一丈五尺髧子十把
各長二丈徑一寸五分蔴麻纜繩六十條各長
二丈五尺徑三寸蔴麻纜繩二十條各長一丈
徑一寸六分蔴麻吊舵繩二十條各長一丈徑
一寸五分蔴麻吊舵繩五條各長二丈徑一寸

六分線麻纜繩二十條各長二丈徑一寸五分
線麻纜繩八條各長一丈徑一寸六分線麻吊
舵繩二十五條各長一丈徑一寸五分線麻吊
舵繩四條野雞翎鬚子一百把響竹九十八把
做抹扒用新紅花布二千一百七十一丈一尺
舊帳房布七百九十三丈五尺原封大竹掃帚
四千二百十把竹爬子一百五十六張槌長四
寸齒二寸鐵牙篙叉子八十個各圍圓四寸五

分鐵箍八十個鐵護纂二十五個各長一丈七
尺上徑圍圓四寸二分下徑圍圓六寸五分淨
木篙五十根各長一丈七尺上徑圍圓三寸五
分下徑圍圓四寸五分熏竹槁四百二十根桐
皮槁四十根

隨篙纂
鐵箍

熙春園年例應用關東苗筍帚七百三十把原封
竹掃帚四百十把大高鬚子二十七把活毛荻
桿小鬚子一百二十五把野雞翎鬚子十二把

高五尺鬘子九把雞心柳罐二十六個隨糖鑼
式柳篋羅十四個柳盆子八十八個象耳簸箕
三十四個土簸箕九十二個牛心柳罐四十二
個隨繩擡筐三十六個隨繩馬尾羅五個響竹十
把蠻子木掀六十五張竹爬子二十六張新紅
花布一百五丈舊帳房布一百丈

綺春園年例應用關東苗筘帚一千八百二十五
把原封竹掃帚一千二十五把大高鬘子二十

把活毛荻桿小鬘子二百五十九把高五尺鬘

子十八把野雞翎鬘子二十六把馬尾羅九個

雞心柳罐六十五個隨繩糖鑼式柳篋羅三十一

個柳盆子二百二十個象耳簸箕八十五個土

簸箕二百三十個牛心柳罐一百五個隨繩擡筐

九十個隨繩響竹十九把蠻子木掀一百六十二

張竹爬子六十五張新紅花布一百九十七丈

五尺舊帳房布一百九十七丈五尺以上物件

俱由都虞司廣儲司營造司掌關防處領取

三十七年九月

圓明園總管太監文開

長春園內新建宮殿應用關東苗筍簾二百把象

耳簸箕十個土簸箕三十個糖鑼式柳菠籬四

個牛心柳罐六個隨繩柳盃子十五個笊籬十二

把活毛荻桿小髧子三十把平常雞毛髧子二

十把大高髧子五把高五尺細桿髧子五把野

雞翎髧子四把原封竹掃帚二十五把竹爬子

四張響竹二把做抹扒用新紅花布三十丈舊

帳房布十丈 三十九年九月呈准新建

正覺寺打掃地面應用關東苗筍簾一百把原封

竹掃帚十把活毛荻桿小髧子十五把平常雞

毛小髧子十把大高髧子六把五尺細桿髧子

五把野雞翎髧子二把象耳簸箕六個土簸箕

十個糖鑼式柳菠籬二個隨繩雞心柳罐六個白

條大菠蘿二個隨繩擡筐十個響竹一把圍圓

三寸馬尾羅二個蠻子木椽十張新紅花布二

十丈舊帳房布二十丈四十年呈准新建

文源閣打掃地面應用關東苗筭帚五十把原封

竹掃帚十把糖羅式柳菠蘿二個大高髡子五

把活毛荻桿小髡子十五把擡筐五個隨土簸

箕十個柳盆子十個牛心柳罐二個平常雞毛髡

子十五把箬籬五把新紅花布十五丈四

十四年呈准新建

法源樓打掃地面四十四年冬季起應用關東苗

筭帚四十把活毛荻桿小髡子十把平常雞毛

髡子十把大高髡子二把五尺高細桿髡子二

把土簸箕五個糖羅式柳菠蘿二個抹扒用新

紅花布九丈四十七年呈准

圓明園新建知過堂打掃地面四十七年冬季起

應用活毛荻桿小髡子十把牛心柳罐十五個

繩隨再

長春園新建遠瀛觀打掃地面四十七年冬季起
應用關東苗筍帚一百二十把原封竹掃帚三
十把活毛荻桿小鬘子二十把大高鬘子五把
五尺高細桿鬘子五把野雞翎鬘子四把糖鑼
式柳菠蘿四個馬尾羅一個柳盆子十五個蠻
子木椀十張響竹六把擡筐十個繩隨新紅花布
十丈舊帳房布十丈 四十九年六月呈准新

建

寶蓮航宮殿打掃地面每年冬季起應用關東苗
筍帚二十把活毛荻桿小鬘子二十五把五尺
高細桿鬘子四把糖鑼式柳菠蘿二個象耳簸
箕四個新紅花布十丈 五十一年七月呈准
園內五福堂新建宮殿打掃地面於五十一年冬
季起應用關東苗筍帚三十把活毛荻桿小鬘
子十把土簸箕五個新紅花布四丈八尺以上布

疋筭等項各行該管處領取 五十二年二
月呈准

諧竒趣西樓大錫海一座轆轤二分於五十二年
冬季起每分應用長三丈三尺麻繩一根計二
分用麻繩四根大罐二個計四分用大罐八個
黃花燈北水法錫海一座轆轤一分用長三丈
三尺麻繩一根計二分用麻繩二根大罐一個
計四分用大罐四個海晏堂大錫海一座轆轤

四分每分用長三丈五尺麻繩一根計二分用

麻繩八根大罐四個計二分用大罐十六個通
共用麻繩十四根大罐二十八個其麻繩俱係
九股三榻各徑八分大罐俱係口面一尺三寸

五十二年十一月呈准遵

旨添建雷神殿於五十二年冬季起用關東苗筭第十

把活毛荻桿小鬘子二把平常雞毛鬘子三把

大高鬘子一把高五尺細桿鬘子一把象耳簾

箕二個土簸箕三個糖鑼式柳菠蘿一個新紅
花布三文 五十九年六月准工部文開遵

旨向來各項物料皆係交舊換新豈有金磚一項專領
新磚不繳舊磚漫無稽查之理嗣後行取各項
磚木琉璃料件即於咨取文內將換下舊料作
何應用併應繳之處逐細聲明以便查辦 嘉

慶四年四月

奏准應交

圓明園陳設等項需用運腳錢文請於內務府官

房租庫支領 八年九月具

奏遵

旨查得園內除

九洲清晏向有分例炭外

勤政殿等十三處殿宇擬添安炭斤奉

旨所擬十三處內除安瀾園玉玲瓏館二處不必添
用其餘十一處勤政殿六斤萬方安和二斤慎修

思永四斤芰荷香二斤長春仙館四斤同樂園四斤秀清村四斤澄虛榭二斤含經堂四斤思永齋二斤敷春堂四斤著照擬定炭斤數目添用如遇同樂園開唱大戲之日同樂園准其添用其餘十處不准添用不開大戲之日同樂園不准添用其餘十處准其添用欽此 十四年呈准

綺春園新建宮門初次添行大掃帚九十八把關東苗笤帚五十四把口面一尺三寸高一尺隨

繩檯筐二十二個牛心柳罐十一個蠻子木掀十一張竹爬子十張大高髡子二把小髡子五把十五年五月內務府

奏准核減

圓明園等處竹掃帚竹爬子二項原應領竹掃帚一百把以上者著給二十把五十把以上者著給十五把不足五十把者著給十把不足十把者亦著給十把其原應領竹爬子十張以上者

著給十張五張以上者著給五張不足五張者
照舊著給查本園

九洲清晏等六十九處每年應領竹掃帚四千五
百六十九把除遵照核減竹掃帚三千六百四
十九把外仍應領竹掃帚九百二十把應領竹
爬子一百八十四張除核減竹爬子十八張仍
應領竹爬子一百六十六張以備散給各等處
應用

內務府現行則例

圓明園

修理橋梁

雍正六年正月

奏准

圓明園後河堤蕭家河及西牆外出水河五孔閘
出水河東門外舊有出水河五處河道石橋三
座並蕭家河石橋交

奉宸苑管理再圍牆所有木橋俱交

圓明園總領等管理 嘉慶十四年呈准

綺春園新建宮門修理完竣所有外圍土山上樹
株並攬眾木影壁橋座等項理宜知照提督衙
門撥派兵弁巡查敬謹看守其宮門應安設弓
箭撒袋豹尾鎗之木架以及朝房門罩等座理
宜知照宮門應該班諸旗官弁晝夜敬謹看守

內務府現行則例

圓明園

修船船隻

初

圓明園等處船隻每年修船俱係該園總管等奏

請辦理 乾隆十六年六月

奉宸苑

奏准嗣後

圓明園等處船隻交與各該處人員每年按時呈
報各該管堂官詳查自行

奏請辦理

內務府現行則例

圓明園

佛樓道童

雍正六年八月遵

旨於佐領管領下蘇拉內挑取道童二十名在

圓明園佛樓應差 八年奉

旨撥出十名在

御花園斗壇應差

乾隆十三年四月

圓明園總管太監傳

旨向萬善殿要幼僧十數衆到佛樓習學經懺音樂俟
學習會時以備每月佛樓辦道場補用俟道場完時
仍回彼處如若佛樓辦道場之日發帖傳行衆該
處該員帶至佛樓諷經拜懺依此為例欽此 十八

年四月奏事處傳

旨圓明園佛樓道士二十名為數過多著交內務府大
臣酌量裁減欽此本月內務府

奏准於現在

圓明園佛樓道士十名

御花園斗壇道士十名內每處裁減五名各留五
名道士等每月所食錢糧銀一兩一年米二十
一斛由各該佐領管領下行給其春秋二季每
季衣服銀各六兩由廣儲司給與

內務府現行則例

圓明園

船隻水手

乾隆十六年六月

奉宸苑

奏准本處有看守

圓明園內翔鳳艇水手六名係長佔用其餘水手
二十一名每年河開由通州傳赴本處應差每

日各行給分例飯食每一分羊肉四兩細老米
九合鹽三錢醃菜二兩醬一兩木柴二斤八兩
冬月無差令其各回本處裁退飯食其所食錢
糧銀兩由坐糧廳關給 嘉慶十七年四月奉
旨昆明喜龍預備之水手十二名今其船既經拆卸
著將此項水手十二名仍撥歸圓明園當差欽此

內務府現行則例

圓明園

養蠶事宜

雍正六年八月奉

旨圓明園於七年起著養蠶欽此 七年三月派首領
太監一名太監一名管理養蠶事務 乾隆十
年三月具

奏查

奉宸苑所屬園戶每名例應得給養贍家口地六十畝每年錢糧銀十二兩五年一次得給老羊皮十張白粗布二丈其

圓明園蠶戶每名例應每年得給錢糧銀十二兩三色米十二石煤一千八百斤炭三百六十斤藍布十五疋棉花二斤棉花線二兩鈕子十四個五年一次各給狐皮帽一頂狐皮領一條老羊皮襖一件今由

圓明園撥給

奉宸苑蠶戶五名候補園戶充當看守打掃等項差務如值養蠶之期本身及妻室仍充養蠶差務伊等所得錢糧米石布疋等項挑補園戶後停裁伊蠶戶分例似稍拮据請於挑補園戶後停其得給園戶錢糧地畝仍給蠶戶錢糧分例至伊等子孫長成挑補伊等園戶之缺停給蠶戶錢糧分例即照園戶例得給錢糧地畝奉

旨此五名蠶戶俟園戶缺出即行坐補食蠶戶錢糧分
例伊等子孫頂補原缺仍食蠶戶錢糧分例欽此

二十六年正月遵

旨園內養蠶向萬壽山織染局行取養蠶蠻子二戶蠶

紙二張在園內房間居住滋養 五月具

奏本年北遠山村養蠶抽得絲斤請交

萬壽山織染局應用其養蠶蠻子二戶或留北遠
山村居住或令回往

萬壽山織染局當差俟明春再行傳喚浴養奉

旨養蠶蠻子令回織染局當差俟養蠶時再行傳喚其

餘知道了欽此



